

Inua Juu Kiwango

Piteni, piteni, katika malango; Itengenezeni njia ya watu; Tutieni, tutieni barabara; toeni mawe yake; Twekeni bendera kwa ajili ya kabila za watu—**Isaya 62:10.**

Neno la Mungu haliweki tu kanuni kuu za ukweli na wajibu ambao unapaswa kuongoza maisha yetu, lakini pia linaweka, kya ajili ya kututia moyo, historia ya wengi ambao wameonesha kwa mfano kanuni hizi.... Isipokuwa mmoja aliye Kielelezo kikamilifu, hakuna kwenye Kurasa Takatifu mhusika mmoja afaaye kuigwa zaidi ya nabii Danieli. Akiwa amehatarishwa katika ujana wake kwa vivutio vyote vya makao ya kifalme, akawa mtu wa uadilifu usiopinda na aliyejitoe kwa bidii kwa Mungu. Alikabiliwa na majaribu makali ya Shetani, lakini tabia yake haikuyumba, wala mwenendo wake kubadilika. Alikuwa thabiti pale ambapo wengi wangeshindwa; alikuwa mkweli ambapo wengine wangukuwa waongo; alikuwa imara ambapo wangukuwa dhaifu. Danieli alikuwa mwerezi mkuu wa Lebanoni.... Laiti ile imani, uadilifu na kujitoa kwa nabii Danieli kungekaa mioyoni mwa watu wa Mungu leo. Kamwe sifa hizi adilifu hazijawahi kuhitajika zaidi ulimwenguni kuliko sasa....

Katika kumbukumbu ya wale ambao wamefanya na kuteseka kwa ajili ya jina la Yesu, hakuna jina ling'aalo kwa mng'ao angavu zaidi au safi kuliko jina la Paulo, mtume kwa Mataifa. Upendo wa Yesu, uking'aa moyoni mwake, ulimfanya kusahau maslahi yake binafsi na kujikana nafsi. Alikuwa amemuona Kristo aliyefufuka na sura ya Mwokozi ilipigwa chapa rohani mwake na kuangaza maishani mwake. Kwa imani, ujasiri na ustahimilivu, ambao usingetishwa na hatari au kuzuiwa na vikwazo, alisonga mbele katika njia yake toka nchi mmoja hadi nyingine ili kueneza maarifa ya msalaba.

Jel! Wale wanaodaiwa kuwa wafuasi wa Kristo wanaonesha kwa mfano kanuni za imani yao? Uko wapi uzoefu wa kina, ulio hai, na mtakatifu ambao watu wa Mungu walizoea kuusimulia? Jel! Kiwango cha Ukristo kimeshushwa?... Hapana; kiwango hicho kinabaki pale ambapo Mungu alikiweka. Watu watakatifu wa zama zilizopita walitakiwa kuacha vyote kwa ajili ya Yesu, kuthamini roho Yake na kufuatisha mfano Wake. Hakuna cho chote pungufu ya hili atakikubali sasa.... Tutakapoitwa kuacha vyote kwa ajili ya Yesu, ni nani atafaulu mtihani?